



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Bona Volvntas Optimæ Consentiens. Seu De Sequendo In
Omnibus Ductu Providentiæ Diviniæ**

Fouillon, Jean E.

Leodii, 1657

II. Quantumvis exigua & vilis.

[urn:nbn:de:hbz:466:1-54992](#)

mis illum non dedecuit. Si tam vile & exiguum animalculum plantuláve non est, in cuius dissectione ac partibus potentia & sapientia creatoris non sit admirationi: neque ullum est, in cuius conservatione benignitas & cura non elucescat. Ejusdem enim mentis est, producere quæ antè non fuerunt, & productis consulere. Et quomodo nihil tam contemptum est, ut alium totius sui auctorem habere, quām Deum, potuerit: ita nec tam abjectum est, ut illum conservatorem, dispensatormē habere non mereatur. Ad curam singulorum Deum trahit Bonitas sua, & rerum Pulchritudo.

II.
 Quantum-
 vis exigua & viliis. *Ille scilicet nobis Deus est*, ut Seneca loquitur libro 4. de Beneficiis, *non qui paucas boves, sed qui per totum orbem armenta dimisit, qui gregibus ubique vagantibus pabulum præstar, qui passua hibernis aestiva substituit*. Ille Deus est, *qui dat jumentis escam ipsorum, & pullis corvorum invocantibus eum*: Psalmo 146. *Pusillum & magnum ipse fecit, & aequaliter cura est illi de omnibus*; Sapient. 6. Sine illo

unus

unus passerum , dupondio vñeuuntium,
non cadit super terram, ut Christus magni
 consilii Angelus asserit, Matth. 10. Possum
 dicere , porcorum quoque setas numeratas
apud Deum fuisse, cùm absque Christi per-
 missu tota dæmonum legio in illos ausa
 non est invadere: *nedum capillos sanctorum*.
 Ita loquitur Tertullianus libro de fuga in
 persecuzione , ut intelligamus , Dei con-
 filia & curas quaquaversum ad omnia pro-
 tendi.

III. Inde consequitur necessaria bonæ
Nihil Deo improvi- voluntati formandæ veritas : for-
 sum. tuitum Providentiaz Divinæ nihil
 esse, casuale aut contingens nihil, sed pro-
 visa & præmeditata omnia, cauſſāsque eo-
 rum ac fines. Hinc fortasse Augustinum
 pœnituit, fortunæ nomen aliquando usur-
 passe. Christiano enim, imò rationali,
 fortuna nulla: omnia de cœlo ab æterna
 mente destinantur. Improvisa quidem
 multa nobis, hebetis visûs animalibus,
 neque in futurum, nisi per incertas con-
 jecturarum umbras prospicere valentibus,
 eveniunt. Eadem tamen prævisa & ante
 dispo-